

OMUKWETU

Registered at the General Post Office as a Newspaper

15

Epingathanitho maanambelewa

Shipena ngashingeyi omukuluntu gwomayelithilo

Omusitagongalo Petrus Shipena, okwa hogololwa kElelongeleki a ninge amushanga mombelewa yomanyanyangidho nomayelithilo okutameka Kotoba 1982.

Ombelwa yoomvula ndatu adhike noya kala mewiliko lyomusita Matti Amadhila.

Elelongelki olya taamba wo eindilo lyomumbisofi, omusita Matti Amadhila, a ninge amushanga gwe gwoponto.

Sha ningwa ngeyi molwashoka amushanga gwomumbisofi, omusita Absalom Hasheela, Elelongeleki olye mu hogolola a ninge Amushanga omukuluntu gwO-ngeleki nogwElelongeleki.

lilonga yuhamushanga mbuka ohayi hulu konima yomimvo ntano notapu hogololwa gulwe nenge ta hogololululwa ishewe.



Omusita Petrus Shipena

Tala kep. 3

MIINYANGAGONGALO YA ELOK

ONKUNDANA ONDHIGU

Etokolo lyelelongeleki lyeti 21-22.6.1982, kutya Ongeleki ndjika yaa tsikile we manga noshilongatumo kuSenegal, kali shi okupita po inaalii uyagalwa.

Etokolo olya zi moonkundathana pokati ka ELOK nEhanganotumo lyaSoomi muule woomwedhi 8 dha zi ko.

Moonkundathana ELOK okwa lombwelwa shuu kilila, kutya, ye ngele ongeleki yi na eipangelo lyayo yene ngaashi hayi shi hempulula, yi na okuhumbata iinakugwanithwa yayo yene. Haku yi humbatelwa kuyalwe nando.

Konima yoonkundathana oonde dhaa na iiyimati, Eleloungeleki kalya li we li na nkene li ninge, shila okutokola owala; kutya, aatumwa mbaka yi ilongekidha ya tumwe kuSenegala, naa tegelele manga.

Mboka ye li ko nale, yi ithanwe ko pamalufu gawo. Yo yaa shune ko we manga, sigo iimaliwa mbyoka yi li eimbo, ya monika.

Etokolo ndika omo li li miinyanga yomagongalo, okuza Juli 1982. Nepulo oli li ashike ngele: Olya tseyika tuu kaakwanegongalo? Peha lyoku li leshelwa Oosoondaha ndatu dha landulathana, pamwe aasita oyuu umbile ashike momapeko goontokolwa nokumwena, ngaashi hashi ningwa momagongalo gamwe noontokolwa dhEleloungeleki.

Oku na shili aasita mu ELOK, ngiika kaye shi unene aashona, mboka oomwedhi odhindji hadhi piti po, inaa taamba oondjambi dhawo, omolwomagongalo itaaga tsakanitha iinakugwanithwa yago.

Kegongalo lya tya ngeyi, ngiika onkundana

yoshilongatumo tashi hulile undjilakati, kayi shi oshihaluthi.

Eleloungeleki olya ningi ihe nayi sho lya tokola ageyi? Eyamukulo otali kala EENO na AAWAWE.

Eleloungeleki oli mone ando omukumo peni okutegelela eyamukulo li na iiyimati yaa-kwanegongalo? Iilonga ayihe yOngeleki 1982, oya li ya pumbwa R 509,930.

Omagongalo oga gandja ko ashike R 143,325 manga oshihupe R 296,802 osha li shi na okuhehelwa pondje. Naashika osha kala omimvo odhindji. (Leshana natango Omukwetu N0.8/1982, ep. 4-5)

Ihe epulo itali zimbuka. Ongeleki yomimvo 28 meipangelo, otayi vulu tuu okumweneka oshinakugwanithwa shayo shotango (etumo) miilonga yayo, nokwiitaala inaayi ilongekidha?

Eleloungeleki otali ka dhimbulula ngiini, uuna omagongalo gi ilongekidhila etumo?

Opwa monika ihe omikalo omipe dhi vule ndhoka dha kala po naandhoka dhe tu fala mokwiilongekidhila iituthitumo ngaashi shomumvogu noshonuumvo?

Omayamukulo agehe koma pulo ngaka, inaga pumbiwa moohapu, ihe onoshimaliwa tashi tulwa mokatungwa taki ithana Senegal.

Tu taleni pafupi; ompumbwe yiimaliwa ndjoka tatu lili, oyi thike tuu pamwe nompumbwe yAasenegal ya pumbwa ehupitho? Katu na sha tuu shili tashi vulu okutsikilitha etumo kuSenegal?

Aatumwa yetu ayihe mboka ye li ko omagumbo gaali, otaga pumbwa R 28,188 okutsikila iilonga ayihe omumvo 1983.

Tala kep. 3



Sigo uunake ELOK ti ilongekidha okugandja po oshikwiila she kaasindjala

Omalunduluko omakwawo gaasita

Momagongalo ga ELOK namo omwa ningwa omalunduluko mokati kaasita.

Elelongeleki olya langeke omusitagongalo Moses Mundjele, mEnongelo lyaayakuligongalo mEngela, okutameka Septemba 1982.

Shito tate Mundjele okwa kala mEembaxu

Omusitagongalo Johannes Hamulungu, ngoka a kala mEdundja, okwa langekwa mEembaxu.

Omusitagongalo Vaino Nepembe, okwa langekwa moshilongatumo muuzilo wOndonga, kOnkumbula, ondjakulwambinga yaKankolo.

Shika osha ningwa sho megongalo Epembe moka a kala omuwiliki, mwa langekwa omusita omupe Nikanor Shuukwanyama.

Omusitagongalo Asser Lihongo, Elelongeleka olye mu uthile a longe megongalo Rupara pamwe noshilonga she shelundululo lyOmbibeli moRukwangari.

3 YA MANGULULWA

Omuyevangeliste gwa ELOK, Nabot Imene (43), Onyuulaye mondonga, okwa mana Ondholongo ye yomimvo 5 kOntuntu ya Robben.

Pamwe naye okwa zi ko naSakaria Nashandi (34), Onayena, na Michael Shikongo (42) mO-tjiwarongo.

ONKUNDANA ONDHIGU

Dha za kep. 2

Momwaalu nguka inamu kwatelelwa ondjila, oshoka oko ye li nale.

Egumbo limwe alike otali pula ngiika R 14,059 komumvo noshilyo shimwe otashi pula etata lyaashoka.

Otwa nyengwa mu ELOK okumangulula aatumwa Asoomi meyakulo mpaka, nonando ye shi tu ningile oomvula 122. Molwashike tse tu na okweekelahi mboka ya kala (Aasenegal) meyakulo lyetu omumvo 8 adhike?

Mpaka kape na tuu omuvali ta nyanga omwana e li pokuvalwa?

Kohi yomapeko miinyanga yomagongalo ga ELOK, namu hadhwa. Omu na ano etokolo ndyoka itaali tsu kumwe nongeleki ya lupithwa.



Omusita Absalom Hasheela



Omusita Matti I. Amadhila

OVAFITAONGALO 2 VA MANGULULWA MOILONGA

Elelongeleki la ELOK, ola pameka omatokolo ovafita vOngeleki ei, va mangululwe moshilonga shoufita.

Ovo omufitaongalo Timoteus Hameva, Kongo, nomufitaongalo Ludwig Ausiku, Nkarapamwe, Rundu.

Paife ovafitaongalo 3 va lekela oshilonga noshikando oshitivali eshi Elelongeleki tali pameke elekelo lovafita moule womudo umwe.

Ye vule 10,000,000 kaye li maarujawo

Kashi shi oshidhigu methimbo lyetu oru tu u kanithe uugumbo nowi iyadhe muundjendi somuupongekwa. Muuyuni unene, muAfrika oyendji oya kanitha uugumbo.

Namibia oku na aapongekwa 50,000 muAngola nayamwe muZambia. Suid-Afrika oya na 5,000 muAngola nayamwe muZambia.

Afrika alihe oli na aapongekwa oomiliyona 5, etata lyoontauki muEuropa na Asia alihe, payalulo lyomumvo 1980.

Osha yela kutya omwaalu nguka ogwa londa ngashingeyi omolwomainyengo omape muChad.

Angola okwe edhilila oontauki 73,000, Zambia 33,500, Zambia mwene ke na aantu muupongekwa.

Oshilongo she edhilila oontauki odhindji muAfrika shi vule ayihe oSomalia, shi na 1.540.000. Shoka she edhilikla aashona lela shi vulike ku ayihe oGhana, shi na 200 ayeke.

Uuyuni auhe ou na oontauki 10,000,000, payalulo lyomumvo 1980. Ngashingeyi ogu na okulonda omolwiti yaArgentina noya Lebanon.

Omumvo 1951 o VVO, oya dhike ehanganano lyokusila aantu ya tya ngaaka oshimpiyu kolutu nokomwenyo. Ehanganano ndika sho kali na iigandhi, ohali indile omapangelo nOongeiki dhi gandje omakwatho ga pumbiwa, okukaleka aantu ya tya ngaaka molutu nomwenyo.

Uuna wa kuta to ka tilahi ikulya nenge to faalele iingulu, dhimbulukwa aantu mbaka taa hepa koondjo kadhi shi dhawo.

YA GALUKILE KIILONGA

Aatumwa yatatu oya mono ompito yokugalukila kiilongayakulo yawo mOongeiki ya ELOK, okuza kuSoomi.

Oyo meme Kaino Kovanen, Anna-Liisa Hirvela naMarta von Schantz.

Ihe aayakulingeleki ooyakwawo Karin Haldin na Terttu Heikkinen oya shuna omasiku ngaka ishewe kevi lyawo ya ka fudhe po.

Kalunga na yambeke eyakulo alihe lyaanashilonga mbaka.

Onkundana onkwawo oye tu zilile moshitayingeiki shaKunene, muAngola, kutya oshilonga shetumo mpeyaka otashi tsikile nawa natango, nonando pu na omaudhigu giita.

Aakriste ayene moshitayi shoka 3,470 oye li mesiloshimpwiyu lyaasita 4, aayevangeliste 17, aadiakoni 16, aakuluntugongalo 30 nosho wo aanashilonga ooyakwawo yalwe.



Omuhongifikola mofikola yokombada yaShigambo, Barnabas Haimbodi, okwa xulifa oweenda waye 3.8.1982 moshihakulilo ku SA. mepupi leedula 48, mouvela wefimbo lile.

Okwa fiya ko omufiyekadi nounona 3. Ondjokonona yaye otai ka holoka komesho.

Oukelefiti mokati ka SWAPO

Ovapaani 1,121 ova shashelwa meitavelo lopakriste, fimbo 1,800 va pamekelwa meitavelo lavo meekamba da SWAPO muZambia na Angola.

Eshi osha dja mehokololo loilonga yopamhepo yomudo 1981 mehanganano olo.

Ehokololo ola ti kutya, ovakriste 6,678 ove liyakulifa mOuvalelo Uyapuki. Movashashwa omu na ovakulunhu 171.


Kombinga yomaongalelo peendjovo daKalunga, ehapu ola ti kutya keshe Oshoondaxa, omalongelokalunga okuyadi ndoo.

Ashike nande pe na ovafita vavali, tava kwafwa kovaevangeliste novadiakoni, mokati koshiwana eshi sha kanifa oufemba woshilongo shavo, omhumbwe yomuxungimwenyo wowina, oya uli-kwa inene.

Eemhumbwe da keshe fiku yo, otaku tiwa kutya nado otadi hepeke.

(Lwi)

Omathano pevi oontauki dhaNamibia melongelokalunga



Eziminathano kali po

Dha za kep. 7

* Oongundu adhihe dhuupolotika dha hala mehogololo, tadhi ningi ihe iigongi yadho moshilongo ashihe.

* Aakwita ya SA; taa shuna kaandjawa mootulupa nootulupa sigo pwa thiqala ashike 1500, mboka taa kala mokamba yaGrootfontein(Oshanda) nenge mokamba yaShivelo nenge mwaa-dhihe mbali.

Konima ehogololo sho lya pu, (patengeneko mu-Maalitsa nenge muApilili 1983), oshizemo shehogololo otashi tseyithwa ihe mbala.

Ongundu ndjoka ya piti mo mehogololo, otayi kuutumba ihe mbala nokutunga ekotampango lye-pangelo epe lyoshilongo.

Aakwiita ayehe ya SA mboka ya hugunine po, notaa shuna ihe. Mboka ya SWAPO ya kala miishiindalongo, nayo wo otaye ya moshilongo.

Omukalelipo gwowina gwa VVO, ota kala natango moshilongo, sigo okesiku lyoshituthi shemanguluko.

Ethanekeo ndika alihe oyo tali lalakanenwa koonkundathana dhi li ngashingeyi muNew York, li ziminwe noli tulwe ando miilonga manga Agustenguka inaagu pwa ko.

Euvathano lyiilongo itano

Koshipala shaawilikingeleki, aakalelipo yiilongo itano, oye shi holola sha yela kutya, yo otaa tsu kumwe nomadhiladhilo gaawilikingeleki ngoka gi indile:

a) Oshitokolitho 435/1978 osho shi talwe natango kutya omukanka gwokufala Namibia memanguluko nombili.

b) Omukundu gwAcuba nogwegamombinga aniwa lya VVO, gwaa dhikalithe eshayino lye-mweneko lyiita mbyoka tayi mana sigo onena oomwenyo odhindji moshilongo shika.

Aakalelipo mbaka oyu uvanekele wo aawilikingeleki, kutya yo kaye na siku naa yalule ehogololo tali ningwa meni lyaNamibia pwaa na eziminino netonatelo lya VVO.

Omuleshi oti indilwa a tsikile natango negalikano sigo kuKalunga kwe tu zile ombili ndjoka twa yuulukwa.

Sebulon Ekandjo

Ponkату yotango pwa thikwa ngaa,

Etalelopo lyaatumwa yiilongo itano yUuninginino mOvenduka, inali vula nando okudhima po omalimbililo gethimbo ele maantu yoshilongo shika, kombinga yema-nguluko lyoshilongo.

Etalelopo olya ningwa pehulilo lyaJuli 1982, mbala ashike konima yekwawo lyaatu-mwa ya SA mboka nayo ya popithile oongundu dhuupolotika dhomeni.

Aawilikingeleki moshilongo medhina lyOraata yOongeleki muNamibia (CCN), nayo oya li ya hiywa metsakaneno nAauninginino mbaka.

Osheendo shaawilikingeleki oshali mewiliko lyomumbisofi gwa ELOK, dr. Kleopas Dumeni.

Sha imbi aayenda mboka ya kandule po omalimbililo moshigwana, osha zi owala mpoka, kutya otaa popi ehumo komeho moonkundathana nohaa hu-litha omatumbulo gawo niithindi yi li natango mon-djila.

Manga aakalelipo yuuninginino inaa thika mO-venduka, SA, okwa adhika i igidha nale euvathano lyetulopo lyomatati pokati ke na SWAPO, li ni-ningwe 15.8.1982.

Okwa gwedha ko ihe oshinima shAacuba muA-ngola, shi kandulwe po tango manga omafaneko agehe inaaga tulwa miilonga.

Angola naCuba hwiya, otaye shi ukilile kutya, aakwiita vaCuba muAngola kaye na siku naa zi mo, manga aakwiita ya SA, ye li muNamibia notaa ponokele Angola.

Oshili tai monika moonyala

Aatumwa yiilongo yuuninginino metsakaneno lya-wo naawilikingeleki mOvenduka, oya kundakane-ke kutya, inaa kala aniwa shito popepi nethikolo lyoshikundathanwa shika ngaashi ye li nasho ne-na.

Ashike nayo oya gwedha ko kutya, SA, oku na na-tango iinima mbyoka te yi indile yi ningwe po, manga omathaneko inaaga tulwa miilonga.

Nonando inaa ulika mpaka oonkondo dhawo oku-vulikitha SA; inaa tala wo omapulo ga SA; tagi imbi ethikilo lyoonkundathana.

Mpaka omuntu owa fa ashike to tegelele oshili yi monike, ngele sha piti nawa.

Kombinga yesiku lyeshayino lyeuvathano lye-mweneko lyiita, ngaashi li igidhwa ku SA; ina-ye li tinda yo inaye li koleka.

Manga oministeli yiikwapondje ya SA; naakaleli-po yiilongo yuuninginino inaa thika mOvenduka, muNew York omwa adhika mwa ningwa oshigo-

ngi shimwe pokati ka SA; na Amushangandjayi gwa VVO.

Aatalinawa otaa ti, kutya oshigongi osha li tashi ikundu kombinga yiilongo mbyoka, muyo mu na okuza aantu taa tonatele ehogololo muNamibia pautho lya VVO.

Ghana naSoomi itage ya ko

Pamushangwahokololo ngoka gwa gandjwa kiilo-ngo itano, gu taandelithwe miilyo yOraata yega-meno ya VVO, ongomukanka ngoka omaikundo agehe ga tsu kumwe musho, omwa tiwa;



P. W. Botha, omuleli gwa SA.

Omavi agehe muuyuni; Afrika, Amerika lyokuu-mbanganantu nolyokuumbugantu, Europa lyo-kuuzilo nolyokuuninginino, Australia, New Zea-land naCanada, otamu ka za mboka taa ka yakula mosheendo sha VVO.

Onkundana yi .hi okwiinelwa ya zi mOvenduka, oya ti kutya oshilongo shaGhana muAfrika no-

ihe eziminathano inali adhikwa

shaSoomi, oya tindwa ku SA. Etompelo oye mwe-
ne e li shi.

Omathaneko ogendji ga VVO okufala oshilongo
memanguluko, konyala oge li ngaashi ga thane-
kelwe 1978 pashitokolitho 435.

Omalunduluko omashona gowala ga holoka mo
ngaashi ngoka, Angola naZambia kutya oya zimi-
mine ngashingeyi etanga lya VVO li tonatele oo-
kamba dhaSwapo miilongo yawo.

* Okataula kaa na mwene pokati kaNamibia
naAngola, itaka kala po we, uuna ookamba dha-
Swapo miishiindalongo tadhi tonatelwa.

* Komufalandjayi gwa SWA, oye tu utha iini-
ma yehogololo, meziminathano nomukalelipo
gwowina gwa VVO, ngoka ta kala mOvenduka.

Mbaka yaali oyo ya thigilwa yu uvathane epulo e-
dhigü lyomondondo yotango yoonkundathana
ndyoka lya kala lya nyengathana oomwedhi o-
dhindji.

Mepulo ndika omu na omukalo nkene aantu ye na
okuhogolola aawiliki yawo.

* Ombelewa onene ya VVO otayi kala mOve-
nduka, ihe uumbelewa uushona u vule 50, otai
ka dhikwa wo koombinga adhihe dhoshilongo

Kaku na we oshigongi shoongundu adhihe

Ndjayi Prem Chand gwaIndia, natango oye ta tu-
lwa omukuluntu gwaakwiita ya VVO, mboka taa
tengenekwa 7,500 ngele oyendji.



Fidel Castro, omuleli gwaCuba

Oshilonga shawo okutala SA; na SWAPO ngele
otaa dhiginine euvathano lyawo lyokumweneka
iita.

Osho wo omusamane Martti Ahtisaari, oye ta tsi-
kile natango omukalelipo omukuluntu gwowina
gwa VVO pamwe naakwathi ye, ngiika 1000.

Pathaneko ndyoka li li po nena, itaku ka ningwa
we oshigongi shoongundu adhihe kumwe,
ngaashono sha li kuGeneva 1981, ngaashi sha li
sha thanekwa nale.

Ngele osho ngeyi, nena oongundu dhomeni dhi na
ashike okutaamba shono sha ziminwa ku SA.

Omaziminathano ga hugunina ngoka ge na okuni-
ngwa po natango, oge li ngashingeyi metifa ku-
New York.

Otaga ningwa pokati ka SA naSwapo niilongo ya-
Afrika; Angola, Zambia, Zimbabwe, Tanzania,
Mozambique, Botswana naNigeria. Niilongo ita-
no yuuninginino oyi li aapulakeneni yawo.

Ekundathano ndika olya tegelelwa li kale ando
lya pwa, pathaneko ndyoka li li po, manga 15.8.
1982 inaaga thika.

* Konima sho ga pwa, Oraata yegameno ya
VVO, otayi gongala yi tokole pambelewa ethane-
ko li tulwe miilonga. Oraata otayi tokola wo o-
mwaalu gwiimaliwa tayi ya yi longithwe metona-
telo lyehogololo.

* Eshayino lyiita yi hule, otali ningwa ihe, ne-
tanga lya VVO, otali thiki mbala muNamibia.

Ehogololo muMalitsa—Apilili

Okuza peshayino lyemweneko lyiita, pokati mpo-
ka manga ehogololo inaali ningwa, opu na ethi-
mbo lyiiwike 13.

* Methimbo ndyoka, ayihe otayi tulwa pomaha-
la gayo. SA ta mangulula Herman Toivo ja
Toivo noonkwatwa adhihe dhuupolotika.

* Ooveta adhihe dhomatiliitho dhiita nokatongo-
tongo nokehe tuu ombepo yetondathano, koombi-
nga adhihe, tayi hulithwa po.

* Aanamibia ayehe ya hala okugalukila koshi-
lango, taa galukile mo kekwatho lyaKomufala
gwoontauki gwa VVO.

Tala kep. 5

Omudo wovakulupe

1

Mokudiladila oshidjuu
Pakunongona tashi nyengana
Eshi tu wete mu noudjuu
Nande mwa li ku u hanyena!

2

Nouteku muwa mwe tu tekula
Noshisho shiwa mwe tu loolola
Natango omukumo ta u monika
Nand'omalutu itaa pitika!

3

Ondjila iwa mwe tu palela
Ovanyanyamaulu tu ende mo
Mwa longa eshi she tu wapalela
Manga mounyuni fye tu li mo!

4

Nande hamu ti mwa kulupa
Ondjila aishe imwe aike
Osho Pamba kwa li e shi mu pa
Nashi shi kufe po oshike?

5

Ovanyanyamaulu panduleni
Shiholelwa shiwa shikuleni
Shiwana sheni yakuleni
Vakulupe veni tekuleni!

6

Efimbo liwa la ka pita
Omo nye mwe tu papata
Fimbo mwa pelw'omaano
Ku Pamb'omunanghono!

7

Paife ounyuni wa pindjala
Nanye yo mwa limbililwa
Vakw'openi hatu yuka?
Pamba mwene te i tondoka!

8

Namhongo tal'ovana voye
Aveshe ve n'oshinge shoye
Nando omalutu a mbeba
Omyenyo kai noumbada!

9

Vanyasha shi li ko oshetu
Vakulupe vetu ovovo
Kafo kape u lelema
Kafo kakulu osho a li!

F. J. Nashidengo



Omusitagongalo Salomo Elago, Oshigambo, okwa galuka kuEngland hoka – a konakona iinima yomaitaalo konyala oomwedhi hamano



OMUKWETU

Oye oshifo shOngelaki Onkwaevangeli paLuther yomOwa-mbokavango.

Ohashi nyanyangidhwa mOniipa.

Omukuluntu gwoshifo omumbisofi dr. Kleopas Dumeni, Amushanga gwoshifo omusita Sebulon Ekandjo

Ondando yoshifo komumvo muAfrika alihe R2,60. Kombanda yomafuta R5, 00, nondhila R6, 24.

Oondando nomambestelo agehe naga tumwe kOmukwetu, Oniipa, P.Bag 2013, Ondangwa, 9000

EV. LUTH. OWAMBOKAVANGO CHURCH PRESS
PRIVATE BAG 2013, ONDANGWA 9000 SWA/NAMIBIA